

الرشاد

س ۶ ۱ ۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ — ۹

۱۶ محرم ۱۳۳۱ پنجشنبه ۱۳ کانون اول ۱۳۲۸

عدد ۴۲ — ۲۲۵

ایله اسلامیتک شونندن هیچ برکله ایشیتیمینجه ، کندی تصورات و تخیلاتمجه یا کیلمش اولدیغمی بک کوزل اکلادم . حاصلی کال یأس ایله مشارالیهک الی اوپوب چیقدم .

نقیب مشارالیهک امرینه تابع و اداره لری آلتنده رأساً اون بیک کشیدن زیاده آدم واردر . بونلرک جمله سی کندی زراعت و فلاحیتله امور شخصیه سنده قوللانیلان کیمسه لر درک ایشیتدیکی کبی آنلری اوپوب چوپرمکه مقتدر در . نقیب افندی انشای صحبتنده حکومت عثمانیه نک ثباتسزلغندن کنایه اوله رق مرحوم پدرلری طرفندن وقتیه سویلنمش اولان برسوزی بکا و حضاره اکلاتدی . روش حالندن نقیب افندی بی حکومتدن غیر منون بولدم . بونک سببی بک بیطرف کیمسه لر دن تدقیق ایتدی کیمده ، مشارالیهک الان بر آزا سکی ققایه خدمت ایتک ایتدکلرندن مملکته نافع خدمتلا ایتک ایستین ناظم پاشا و سلفی جمال بکلرک اجرا آتندن او قدر محظوظ اولدیغمی بکا بالاطراف سویلدیلر . ایشته بغداد نقیبی !

س . م . توفیق

مطبوعات

فلاح هلاک ، هلاک صلیبک در

— شمدی عثمانیلره ترتب ایدن صوک وظیفه نه در ؟
— بر عزم مشکلات بر اندازانه ایله هر درلو مهلاکاتی اقتحام ایدمکک صورتده اظهار موجودیت و ارائه سطوت ...!

بر تلغرافنامه ، بر سفیر حیتسمیرمنک لسان حماسندن صادر اولان کلمات عزم پرورانه بی بر موسقوف غزته سنه ابلاغ ایلوردی . عثمان نظامی پاشا ، بر عثمانلی مرخصنه که صفت عسکریه بی حائز بیوک بر دیپلوماتدر - یاقیشه جق بر لسان ایله پارسل بر دیپلوماته : « بز صلحی امضایه دکل ، ترکیانک محاربه بی مظفرانه تمیدده مهیا اولدیغمی افهام ایچون کیدیورز . » دیمشدر ، فرانسر غزته لری عثمان نظامی پاشانک بو قولندن ، دولت عثمانیه نک آلمانیا طرفندن تشجیع و تشویق اولندیغمی معناسی استخراج ایدیورلر . فرانسر نه دوشنورلر سه ، نصل تفسیر و حکم ایدرلر سه دوشونسونلر ، ایتدکلری حکمی ویرسونلر . شوراسنی عموم آوروپا ایله فرانسرلرده بیلمیلدرلر که بو کون آوروپاده نه لرل کبی قان آقیتمدنجه عثمانیلر بوقطعه ده اولان حقوق تمککرنندن واز کچه مزلرلر . مادام که اک دوست کورینان واک مدنی بر چهره ایله انسانیتدن دم اوران آوروپالیلر ، اودوستلنک ، اوچهره نک استتار ایتدیکی ماسکینی آتهرق تعصب صلیب پرستانه نک ایجاب ایتدیکی شمای اشمئراز آلود ایله مسلمانلنی محوه شتابان اولمشلردر ؛ و بزه بر ریشخند استتقال ابرازیلر مقصدلرینی آکلاتمقده درلر ، مسلمانلر ده « البادی اظلم » قضیه سنی کندیلرینه اخطار ایله برابر عهده حیت و جلادلرینه ترتب ایدن وظائف و طنپورانه بی ایفاده تردد ایتیه جکلردر .

بز روم ایلنه سکسان کشیله کچدک . سکز کشی قانجه یه قدر دشمنلر مزله صاواشمده اوری ترک ایدمیز . آوروپالیلر ای بیلمیلدرلر که اوپور بر آرسلان اولان بو قهرمان قومی ، ناکسانه بر طاقم تهدیدلرله ایقاط و اغصاب ایدمک اولورلر سه بالفانلرک مناعته مغرور اولان سباع وحشته بارینه جق بر قایا قوغوغی بیله قالماز . بو کون بلغارلر راست کتوردکلری مسلمانلری قویون کبی یانپروب کیسورلر . صرپ وحشیلری چوققلری شیشلره کپیروب آتشدنه یاقیورلر ؛ یونان بالیقاریلری دست ملوثریلرله سلانیکده یوزلرله مسلمانک

یوزلرجه مکتب اچدقندن بشقه برده مملکته بیوک بردارالفنون دخی تأسیس ایدمیلوردی . هندستان مسلمانلرینک شیخ عبدالقادر ایله اولاد واحفادینه اولان خلوص و صداقت قلبیه لری او قدر صمیمی و دریندرکه نقیب لری امریه جانلرینی بیله فدا ایتمکدن چکنه زلر . نقیب افندی لری نفوذی هندستانی سرترسز قاپلادیغمی حالده انتباه اسلام ایله تعالی مسلمان حقه ده هندلی مریدلرینه حرف واحد بیله تلقین ایله مشلردر .

انتباه اسلامک لزومیه طرابلس و بنغازیده کی ایتالیان منافقلرینه قارشو بوتون مسلمانلرک محاربه و مجاهده ایللری لزومه دائر نجف و کربلا ده کی علما طرفندن سنوسی حضرتلریله هندستان مسلمانلرینه خطاباً متعدد فتاوی و اوامیر دینه اصدار اولمشسیکن ، نقیب افندی حضرتلرینک بوبابده اک اوافق برتشیبی کورولمادی .

بغداده کلن و شیخ عبدالقادر الکیلانی قدس سرال عزیز حضرتلرینک مرقد شریفه لری زیارت بوتون زوار اسلامیه و هندیه طرفندن مشارالیهک حفیدی بولنان نقیب افندی یه کندی ندور هدایا لری تقدیم ایدوب الی اوپمکه تبرک ایدرلر . نقیب افندی نک اک عادی بر التفاتنه نائل اولان بر هند مسلمانی ، آنی مدار شرف و افتخار عد ایدرک هندستانه عودتنده هر یرده و هر کسه نقل و حکایه ایلر .

کچکلرده بغدادده قازاندیغم بر محب ایله برابر نقیب افندی حضرتلرینک زیارت عالیلرینه شتابان اوله رق دست عالیلرینی اوپمکی کندمه بروظیفه بیلدم . حضرت کیلانی قدس سره نک قارشوسنده بولنان نقیب افندی نک قوناغنه طوغری آراهه ایله کیتدک ، مشارالیهک الی اوپدکدن صکره مبارک آغز و دوداغندن چیقعه جق اولان بیانات کریمانه دن استفاده ایتک و ایراد بیوره جقلری معالی و حکمیاتی لایقیله استماع ایدم بیلمک ایچون قارشولرنده ویک یقین بر یرده اخذ موقع ایلدم . لطفاً حقمنده ابراز التفات بیوران بو ذات عالی نک یاشی آلمشه یاقین ، شیشمان و ملحم وجودلی ، بللی قاشلی ، قیرصقاللی و قیصه بویونلی بر ذات عالیدر . لسان مادرزاد لری اولان عربی یه واقف اولمقله برابر تورکجه و فارسی لسانلرینه ده بک بیکانه دکلدر .

کیم اولدیغمی ، نرمدن کلدیکمی ، نرمدیه کیده حکمی استیضاح و جواب ویرمکلکم اوزرینه ، مشاغل کثیره لرینه بناء کندیلرینه هر طرفدن کوندریلن غزته لری مطالعه یه و قتلری اولدیغمی و فقط سیدالرشادک دینی و حقیقی بر اسلام جریده سی اولدیغمی ایشیتدیکنی سویلدیلر . بوندن صکره استانبولک نه حالده اولدیغمی و سیاسیاتک نه مرکزده جریان ایلکده بولندیغمی بندن صورونجه ، اوچ تموز تاریخنده در سعادتن انفکاک ایتدیکنی و وقوع بولان حاللرک هیچ بریسنندن وقوف و معلوماته مالک اولدیغمی کندیلرینه عرض ایلدم . بر آره لق مشارالیه بر فرقه بی مدحه ، دیگر بر فرقه بی ذم و قدحه مبادرتله بریسنندن مغیر و دیگرندن ممنون اولدیغمی افاده عالیلرندن اکلادم ، بر ساعت قدر حضور عالیلرنده مکث و آرام ایتدیکم حالده اولجه اومدیغم حیات علمیه و حکمیه

صانکه افکار عمومی اسلامیه وار ایتمش !

استانبولدن ماتن غزته سنه اشعار اولنیور :

« عثمانلی ایمرطورلنک حدود مستقبله سی حقنده شیمیدین تخمینانده بولنمق ممکن دکلسه ده ادرنه نك ترکی شرطیله مصالحه نك خارج ازامکان اولدینی شیمیدین ادعا ایدیلر بیلور . ذات شاهانه ، عثمانلی مرخصلرینک عزیزمتدن مقدمه شارالیه می قبول ایله : « ادرنه نك حدود خاقانیزداخلنده قالمسی آرزوی قطعی شاهانه مزنددر . « بیورمشلردر . ادرنه شهری ، شام ، بروسه ، بغداد کی مقام خلافت عظمایک برمالکانه معززه سی اولدیغندن افکار عمومی اسلامیه بوشهرک ترکی بردرلو هضم ایده من . »

سبیل الرشاد . — ماتن غزته سنک مخباری بزه فضله حسن توجه

کوسترمش . بوکیدیشه افکار عمومی اسلامیه ! ادرنه دکل ، معاذه کعبه بیله اهل صلیبه ترک اولونسه ینه هضم ایده جک !..

شیون

مذاکرات صلحیه . — جمعه ایرتسی کونی وقوعبولان صلح مذاکراتی

اجتماعنده عثمانلی مرخصلری آلدقلمی تعلیماته توفیقاً قلاع محصوریه ارزاق سوقی طلبنده بولمشلر ، بوتکلیف قبول اولندجه مذاکرات اساسیه ده دوامده معذور اولدقلمی بیلدیرمشلردر . مرخصلرمنک بوتکلیفی متفقین مرخصلری طرفندن شایان قبول کورولمیه رک رد اولمش ؛ بومسئله نك متارکه پروتوقولنده حل ایدلیکنندن مذاکرات صلحیه ائناسنده بونک تکرار موضوع بحث اولمیه جنی ادعا ایدلشددر . بونک اوزرینه مرخصلرمن یکیدن باب عالییه عرض کیفیت ایله تعلیمات طلب ایده جکلرینی بیلدیرمشلردر .

باب عالی بعدالذا کره مرخصلرمنه یکیدن کوندردیکی تعلیماته ؛ حکومت

عثمانیه نك یونانستانک صلح مذاکراته اشتراکنه موافقت کوستردیکی وصلح ومسالت متفقله ده آرزو ایدلیکی تقدیرده قلاع محصوریه ارزاق ارساله میدان برافلمسی انسانیته ده لایه اولدینی یولنده بیانانده بولمیه رق ارزاق ارسالی مسئله سنک مذاکرات اساسیه صلحیه ده تقدیماً تکرارحلی طلب ایللمی بیلدیرمشلردر .

عثمانلی ودول متفقله مرخصلرندن مرکب صلح قونفرانسنک بازارایرتسی

کونی وقوعه کلن اجتماعنده مذاکرات پک آز برمدت دوام ایتشددر . دول متفقله مرخصلری بلاد محصوریه ارزاق کوندرلمسی طلبنک قبول ویاخود عدم قبولی موضوع بحث ایتک ایستمدکارندن ، عثمانلی مرخصلری طرفندن درمیان اولنان تکلیفه توفیقاً شرائط اساسیه لرینی بیان ایتمشلردر .

رویتر تلغراف آژانسنک تبلیغاته نظراً متفقله طرفندن درمیان اولنان

مطالبک مرمره ساحلنده واقع تکفورطاغنک شرقندن بحرسیاوده کی مالاتره کورفرینه قدر تمیدایدیلر جک برخطک غربنده واقع (کلیبولی شبه جزیره سی مستقنا قالمق شرطیله) بالجه اراضینک و آطه لر دگزنده کی جزائر عثمانیه نك ترک وکرید اوزرنده کی حقوق عثمانیه دن ده فراغت اولنمسی محتوی بولمقده در . متفقله شرائطی عثمانلی دلکله لر اوزرنده عظیم برسوء تأثیر حاصل ایتشددر . عثمانلی هیئت مرخصه سی شرائط مذکورده نك تدقیق ایچون برمهلت طلب ایللمی اوزرینه قونفرانس جمعه ایرتسی کونه تأخیر اولمشلدر .

سبیل الرشاد . — باقلم خلافت جلیله اسلامیه ، سلطنت سنیه

عثمانیه بوتکلیفی قبول ذلته قاتلانجه قعی ؟ « الم ترالی الذین خرجوا

من دیارهم وهم ألوف حذر الموت فقال لهم الله : موتوا ... »

پردۀ عصمتی چاک ایلورلر . آوروپالیر مدنیت پرده سی آرقه سنده کی صحنه وقوعانده اوینانان بو هائله یی بر سرور شوق افزا ایله تماشا ایلورلر . یالکز اوراسنی دوشونه میورلرکه اکر میدان کار وزار بر (تیاترو) یعنی لعبتگاه وغا ایسه ، هر تیاتروده اولدینی کبی اوراده ده منظره دکیشه بیلر . بوکون کندیلرینه مسرت بخش اولان افعال ظالمانه ، افعال منتقمانه یه منقلب اولنجه ، اوشوق و مسرتلر بر آنده زائل اوله رق یرینه آه ندامتلق قائم اولور . ایشته صلیبک هلال ایله مجادله سنندن حاصل اوله جق نتیجه بودر . چونکه هلال نورانی و روحانی بر اشارتدرکه طلوعی خیر و مسرت بهشارتدر . صلیب ایسه ظلمانی و شیطانی بر آلتدرکه وجودی نکال و عقوبته علامتدر .

امین و مطمئنکه فلاح هلالک ، هلاک صلیبک در . **نصیر افکار**

بالقان اهل صلیبه انکیزلرک نصیحتی

تایمسک باش مقاله سنندن :

« عثمانلیلر تکلیف اولنه جق شرائط معقولیه رد ایده جک اولورلرسه اوروپاده کی موجودیتلرینی و بر دولت اعتباریله بتون استقباللرینی تهلکه یه دوشورمش اوله جکلردر .

متفقله ایچون یاپیله جق ایلک شی ، دارالخبرده موقیعتلرینی انتاج ایدن وفاق و اتحادلرینی محافظه دن عبارتدر . آنجق بوسایه ده مقصدلرینی تأمین و ثمرات ظفرلرینی استحصال ایده بیلورلر . متحداً حرکت ایتدکلری حالده قزاندقلمی یرلردن برافنده حاصل اولمیه جق وقور تاردقلمی ولایتلرده ذاتاً اوزون مدتدن بری حکمفرما اولان انارشینی نك بشقه برشکللی باش کوستره جکلدر . »

مدنیت استادلرمنه کوسکونلکمز !

(اقدام) غزته سنک باش مقاله سنندن :

« یازیق که ترکار بو آنه قدر فرانسجه ایلدو فرانسه ایله مغول اولمشلر . اولادلرینه فرانسجه نی تحصیل ایتدیرمشلر ، مکتبلرینه فرانسجه تدریساتی علاوه ایتمشلر . برطاقم پاپاس مکتبلرینه بیله ترکار فرانسجه اوقوندینی ایچون کیتمشلر . هب فرانسز مدنیتندن ، فرانسز علمندن حصه دار اولغه چالیشلر . فرانسجه تحصیل ایچون اولرینه مرهبلر آلمشلر ، عادتا معناً فرانسه نك تابیی اولمشلردر . مترجملر بیله فرانسجه کتابلری ترجمه یه نقل ایتمشلر ، فرانسه نك تأثیراتی تاجو جقلردن ، قیزه لر و ارنجه یه قدر ذهنلره یرلشدیرمشلردر . شمدی بزم فرانسه دن کوردیکمز معامله یه باقک : موسیو پوانقاره تلاکت دیده اولانلره فرانسه نك یاردیم ایتک عادت ایلدینی سولیش ایدی ، فقط فرانسه ارباب نشریاتندن کوردیکمز یالکز اعتسافات ! .. روم ایلیده بتون اهل اسلام یاره لری آلتدقدن صکره لایققطع قتل ایدیلیورلرده ینه بوغزته لر برشی یازمیورلر . استانبولده شویله بویله اوله جق دنیلیدیکی زمان قوشان فرانسزلر روم ایلیده هیچ برحای کورمین بیچاره مسلمانلر ایچون نه دن برسس چیقارمیورلر ؟ مسلمانلرک اوغرا دقلمی مظالمی بوکون یالکز برروایت ایتمیورلر . آرتق قونسلوسلرده رابورلرینی یازیورلر . بتون حقایق کوز اوکنده . روم ایلیده ایستاتستیک ایله ثابت اولان یوزده آلتمش درجه سنده کی اهالی اسلامیه یوزده یکرمی درجه سنده بیله قالمیه جق . قواله کبی دده آغاچ کبی ساحللرده ، طویران کبی شمندوفر کذرگاهلرنده بولنان یرلرده قتالک بودرجه سی ایشله نیر ایسه فرانسز مطبوعاتی ده اچیرولرده بولنان وعالم انسانیته سسنی هیچ ده ایشتدیرمه یین مسلمانلر حقنده نه لر ایشلندیکنی تقدیر ایده منم ؟ »
